

DE

VITIIS
MACHINÆ HUMANÆ
TOTUM CORPUS PRÆCIPUE
AFFLIGENTIBUS.

QUAM

PERMITTENTE GRATIOSA FACULTATE MEDICA,

PRÆSIDE

DANIELE HOFFMANNO,

MED. DOCT. & PROF. PUBL. ORD.

A. N. C. COLL.

PRO LICENTIA

SUPREMOS IN MEDICINA HONORES CONSEQUENDI
SOLEMNI ERUDITORUM EXAMINI
SUBMITTIT

JOHANNES MATTHÆUS BRIGELIUS,

HERBRECHTINGENSIS.

AD DIEM FEBR.

TUBINGÆ,

TYPIS ANTONII HENRICI ROEBELII,

SERENISSIMI WIRTEMBERGIÆ DUCIS
SENATUI
ECCLESIASTICO

PERINCLUTO,
*REVERENDA, MAXIME, DIGNITATE, MAGNIFICA
AUTHORITATE, MUNERUM AMPLITUDE, LABORE
AD ECCLESIAE GUBERNACULUM EXANTLATO
SPLENDIDISSIMO,*

PATRIÆ PATRIBUS VIGILANTISSIMIS,

VIRO

ILLUSTRI perquam GENEROSO

D O M I N O

CHRIST. HENR. KORNIO,

SERENISSIMI WIRTEMB. DUCIS CONSILIARIO INTIMO,

SENATUSque ECCLESIASTICI DIRECTORI

MERENTISSIMO,

ut &

VIRO

EXCELLENTISSIMO atque CONSULTISSIMO

D O M I N O

FRID. GUIL. FROMANNO,

JURIS-CONSULTO LONGE DOCTISSIMO,

SERENISSIMO WIRTEMBERGIÆ DUCI a CONSILIIS,

JUSTITIÆ & CONSISTORII SENATUSque ECCLESIASTICI

FISCALI DEXTERRIMO,

CETERISque DOMINIS ASSESSORIBUS,

PRÆNOBILISSIMIS, CONSULTISSIMIS, AMPLISSIMIS,

EXCELLENTISSIMIS, DIGNISSIMIS atque GRAVISSIMIS

DOMINIS SUIS PATRONIS, MOECENATIBUS MAGNIS,

PROMOTORIBUS suorum studiorum OPTIMIS,

omni obsequio & submissis cultu ac studio profecturum

DISSERTATIONEM HANC
MEDICAM

OB MULTA PER PLURES ANNOS IN SE COLLATA BENEFICIA
CUM VOTO OMNIGENÆ FELICITATIS SALUTISQUE
TEMPORALIS ac ÆTERNÆ

INSIMUL IPSORUM OMNIUM FAVORI PATROCINIO &
ULTERIORI EORUM BENIGNÆ PROMOTIONI
& PROTECTIONI

STUDIA SUA QUALIACUNQUE COMMENDATURUS
OFFERT

TANTORUM VIRORUM

devotissimus obsequiosissimusque
Cliens

JOHANNES MATTHÆUS BRIGELIUS,
MED. LICENT.



Q. D. B. V.

Selegimus pro themate Dissertationis Medicæ Inauguralis has posthumas schedas B. Soceri Dni Præsidis, Eliæ Camerarii, Med. D. ac Prof. Med. olim inter nos Celeberrimi ac optime de re medica meriti, tanquam partem Compendii Pathologico-Præctici, quod Vir B. in sex Dissertationibus Inauguralibus, sub tit. de Machinæ Humanæ vitiis, eorumque causis dignoscendis atque emendandis edidit, in quibus plerosque tam Capitis quam Thoracis & Abdominis affectus breviter quidem, solide tamen, pertractavit; Restant itaque morbi, totum corpus præcipue affligentes, quorum partem primam, de *febris* scilicet & *affectibus arthriticis*, hisce paginis, discentium commodo, publicæ luci damus, alteram alii occasione reservantes, eamque, invocato Supremi Numinis auxilio, publico examini sistimus.

DE MORBIS , QUI TOTUM CORPUS PRÆCIPUE AFFLIGUNT.

Hos inter morbos primas deferre febribus atque affectibus arthriticis æquum est, de quibus quidem præstaret tacere, quam pauca dicere, horum enim tam ingens varietas tantoque amplitudo est, ut brevi sermone ista omnia constringi difficulter possint: Cum tamen instituti nostri ratio prolixitatem

tatem non admittat, dabimus operam, ut doctrinæ illius eam formemus ideam, ut conceptu saltem perspicuo discentibus imprimi, eorumque animis offerri queant ea omnia, ad quæ principalius referri omnes, quæ in his morbis observantur anomalix proteiformes ac varietates fere innumeræ haud incommodè queant.

**

**

Generalior febrium distinctio est in *continuas* & *intermittentes*, illis uno quasi filo per sua incrementa ad *ακμήν*, indeque vel ad mortem vel ad salutem tendentibus, his vero magna primum vehementia adorientibus ægrum, sed non eadem pergentibus vehementia symptomatibus, sed postquam sua tempora, specialiter quasi assignata, percurrere, à statu ad declinationem brevi progrediuntur, variis quidem durationibus paroxysmi illius, quippe nunc sex, nunc octo, decem, duodecim imo sedecim ac plurium quandoque horarum decursu terminandi, superveniente plerumque sudore, ac symptomatibus adeo remittentibus, ut sanus jam rursus videatur æger, donec post inducias illas certi temporis novus ingruit paroxysmus, nova exacerbatio, priorumque recrudescentia symptomatum, & illud quidem intervallum, illudque excipiens febrilis accessus determinatum tempus morbi demum typum ostendit, an scilicet *quotidiana*, quovis die redeunte febris, an factis diebus alternis reditu designet *tertianam*, omnium reliquarum frequentissimam, quamque veri assignant (cum tamen nulla hic anni pars excipiatur, malo cumprimis, ut plerumque solet, epidemio existente) seu integro biduo à febris liber maneat æger, quarta demum rursus die corripiendus paroxysmo novo in *quartana*, attributa autumno & hyemi, cum frequentior illis temporibus credatur occurrere.

Ista autem paroxysmorum intervalla aliquando sunt exactissima, adeo, ut vix horologium exactius queat ostendere atque indicare horam, quam ea accuratissime determinatur reditu febrilis paroxysmi, plerumque tamen & frequentius latitudinem aliquam habent, typi allegati, dum aliquando anticipant, una, duabus, tribus, imò pluribus horis, ita quidem, ut cum diurno primum tempore oriretur, paroxysmus, ille dein anticipando sensim in profunda noctis tempora immergatur, sicque,

ficque, ut loquamur ita, suffocetur, atque evanescat haud raro inter ipsa somni halcyonia deflagrantibus mitioribus iam paroxysmis; aliquando verò etiam postponunt, ac tardius accedunt erumpuntque posteriores paroxysmi, quos non semel pertinaciores observavimus, quam anticipantes.

Quod verò monetur à Practicis, quartanam post meridiem fere solum, mane magis quotidianam, tertianam quovis etiam tempore redire, id perpetuæ observationis adeò non est, ut potius omnes quovis diei tempore paroxysmorum facere exordium possint, pendeantque in eo à primo insultu, in quem ille inciderit terminum, eundem, cæteris paribus, rediens paroxysmus non poterit non observare.

Ipsi etiam paroxysmorum gradus diversissimi sunt quà vehementiam & symptomatum gravitatem, leviolemque ac graviorem molestiam inde illatam, quo sensu in tertiana dicunt paroxysmum quartum considerandum esse tanquam morbi statum quendam ac ἀκμήν, ac proin reliquorum omnium & antecedentium & subsequendum esse molestissimum gravissimumque; quæ quidem cum observationibus haud adeo conveniunt, cum priores potius paroxysmi observentur violentiores in epidemicis tertianis, neque rigorem peculiarem exerceat quartus, nisi forsan id de exquisita tertiana, quæ septem circuitibus terminatur, in casibus quibusdam dici queat, etsi nec eo sensu per omnia, rem ita se habere, facile deprehendet sedulus atque accuratio-ri mentis acie pollens observator.

Præterea observantur quoque *tertianæ & quartanæ duplicatæ*, quam illæ frequentiores sint, & sæpe, imò plerumque habeantur pro quotidianis; distinguunt autem nonnulli sollicitè tertianam duplicem à tertianis duabus, etsi forsan nimia hac non opus sit subtilitate; nisi forsan ejus fundamentum quæras & in temporibus diversis paroxysmorum & in gradibus ac vehementia non iisdem, cum primæ diei paroxysmus & qua tempus accessionis & qua symptomatum vehementiam ac durationem conveniat cum paroxysmo diei tertiæ, quartus autem paroxysmus respondeat diei secundæ paroxysmo & tempore & duratione ac gradu; in aliis verò ista habitudine ac respectu paroxysmorum non æque observato.

Distinctio inter *exquisitas spuriasque* febres intermittentes magna secum non fert commoda, cum utrinque eadem observetur & morbi vis & remediorum efficacia, ita ut, his rite adhibitis, ne opus quidem illa distinctione sit, nec illa possit agnosci, cum paucis accessibus si rite tractatæ fuerint, terminentur.

Legimus quoque annotatum, rarius quotidianam febrim primario ac per se adoriri ægrum, sæpius vero sequi demum atque oriri à tertiana vel quartana; ubi tamen advertendum, quotidianas proprie sic dictas non frequenter occurrere, & plurimum differre à tertianis duabus, etsi hæ duæ febres plerumque confundantur; describitur enim quotidiana tanquam habens paroxysmos diuturnos, sedecim imo plurium horarum, cum tertianarum paroxysmi regulariter multo sint breviores, cum igitur grassantibus epidemicè febribus istiusmodi tertianæ duplicis paroxysmi eveniant longiores, quod frequentissimè cernimus contingere, facile habetur talis pro febre quotidiana, etsi revera talis in illo rigore scholastico non sit, & hoc sensu vera erit illa regula, vel potius nitetur hac confusione febrium, quæ anomalias, dum epidemicè grassantur, ordinario habent numerosissimas ac mire variantes, nomen quoque inde adeptæ *proteiformium*.

Cæterum febris initium ut plurimum est in frigoris sensu, quod dorsi in primis initiis occupat regionem, rigoribus ac horroribus per corpus varie diffusis, ad dentium usque stridores, vel potius celerrimam inferioris maxillæ ad superiorem reciprocatione violenta partim, partim voluntaria, allisionem; cui & jungitur, & præcessit plerumque faciei pallor, cutis in papillulas pyramidales elevatio, quam anserinam vernaculâ cutim dicimus, cœruleus unguium, sanguine in vasculis sub ipsis dispersis spissescente ac statim patiente, color, nasi, manuum pedumque imò omnium extremitatum frigus ad tactum manifestum, oscitatione frequenti, ac pandiculationibus violentioribus præcedaneis, ingenti accedente lassitudine, inæquali horum symptomatum, paroxysmi primordia constituentium, duratione, dum quandoque etiam ad plures extendantur horas, & diversissimis gradibus affligant; donec sanguine jam melius subactò status ingruit contrarius, pulsu prius depresso, jam elato, forti, vehemente, frequente, calore sicco totum occupante corpus, fervente illo ad tactum, vomitu quandoque interveniente, Cephalalgia intensa, dorsi doloribus, quin & artuum vagis, non in quartana solum, quod aliqui monent, sed & in tertiana: Sitis urget extreme non in solo hoc caloris statu, sed maxime jam antea durante frigore, intolerabiliter affligens ægros, neque tamen commode ipsis congrueque exhibueris ante calorem emergentem potum copiosum; inquietudo, anxietasque graviter premit ægros, amarities oris, quandoque cardialgia, ructus, spasmodicæ stricture passim, etiam dolorificæ observantur, terrores quoque ac succussiones, imo & calore intensius ex-

exæstuante, deliria in simplici intermittente licet observare; superveniente sudore solvitur accessus; In principio non semper tales intermittentes statim agnoscuntur, quia non semper eadem ratione & horror & frigus reliquaque symptomata erumpunt, unde & continuam aliquando mentiuntur, sequentibus demum paroxysmis tertianæ typo ac indole plenius prorumpente; interdum tamen etiam febris verè continua in ortu transit in tertianam in progressu; unde apud Authores enatum vocabulum tertianæ latentis; etsi verò sine horrore ac frigore rara sit tertiana, talis tamen quandoque observatur, etsi non facile in omnibus paroxysmis.

Potissimum attendi quoque meretur *tertiana maligna*, quæ cum alternis diebus statisque horis suas habeat exacerbationes interdum valde notabiles, intervalla ideo non habet apyrexias, sed continuæ in modum febris decurrens, lecto constanter fessum calentemque affigit ægrum, neque is extra illum morari potest vel tantillum; manifesto indicio, esse talem tertianam mali moris, ac continuæ in modum tractandam, ægrumque accuratius observandum.

Quis vero omnes febrium enarret ætiologias? Major saltem eorum numerus est, qui existimant, fermentum quasi quoddam, seu cruditatem & non satis digestum humorem extra sanguinis massam formari & hære, qui, quoties affundatur toti massæ, eam turbet; mixtionem ejus partium labefactet, turbas tam varias hac ratione excitet, donec sub ipso circulo, quassationibus ac percolationibus frequentibus subigatur, visciditas ejus divellatur, corrigaturque, totaque iterum massa ad æquabiliorem mixturam reducatur, post istos humorum pugnantium impetus prodeunte ac secedente per cutaneas glandulas sero ac sudorem formante salutarem criticumque respectu illius paroxysmi jam hoc pacto finiendi.

Agnosendum igitur est, sanguinem ejusque varias partes succosque inde secernendos, partim & secretos, desciscere à statu suo blando & æquabili, naturali, esse in intestinis ac ventriculo, in visceribus passim cruda, impura, indigesta, acria, corrupta ac varia inquinamenta, ex cibis male digestis partim enata, suamque labem diffundentia, tali scilicet chylo per vasa lactea ad sanguinis delato massam, eam turbante, secessum quasi partium heterogenearum in illa procurante, eam inspissante, ad circulationem ineptiorem reddente, fibris inde graviter per omnem corporis ambitum laceffit, nervis irritatis, spiritibus afflictis, unde tot oriuntur symptomata, donec subacto

subacto degenerare succo restitutoque liberiori motui ac meliori mixturæ sanguine, cum, secedente ad cutis spiracula sero, quædam istius immunditiei portio diffletur atque unâ cum symptomatum remissione atque evanescencia ad tempus liberum à turbis relinquat sanguinem, corpusque aliquali restitutum vigori deferat tantisper.

Non ausim tamen specialissimè causarum qua species febrium differentias singulares cum aliis determinare, cum adeò multa hic adhuc obscura incertaque sint, ipsaque periodorum ratio vera ac solida profundè adhuc lateat; cum ergo dicatur non sine specie, in lymphâ, acido ac bile radicem esse harum febrium diversarum, ita quidem, ut si lymphâ præpolleat, acidumque & bilem satis diluat, provehatque, oriatur quotidiana; prævalente acri bile ac fervida, enasci tertianam; fixiore autem acido prædominante quartanam exsurgere; ista quidem omnia cum grano salis accipi possunt ac debent, cum sane lymphâ, acidum ac bilis seorsim in quibusvis istarum febrium casibus specialibus possint prævalere, neutrà tamen uni humori præ alio cum fundamento adscribenda.

Nulla autem à febrium insultu ætas, sexus nullus, corporisve habitus excipitur; duratione quomodo differant omnibus notum est, breviorē agnoscentibus quibusvis tertianam, diuturniorē vero ac pertinacem quartanam, etsi & hæc rite tractata sæpe eadem facilitate tollatur, ut adeò non semper adeò tædiosa ac chronica, cum periculo sanitatis, ob depravatos sub tanta mora humores, evadat. Hac enim sola mora ac diuturnitate turbarum, toties recurrentium, periculosa fiunt intermittentes, sanguine tandem admodum depravato & in cachexiam, tumorumque œdematosorum collectionem ruente; sive eodem tramite decurrant tales febres, sive una transeat in alteram variis vicissitudinibus atque immutationibus; maxime tamen molestæ sunt recidivæ, vix evitandæ, variantes tamen pro ratione febrium speciali, cum iis epidemicè grassantibus frequentiores sint, & crebriores, quam cum sporadicè affligunt, imò & in certis mali epidemici speciebus sæpius faciliusque recurrisse febres observant ii, qui attentius eam rem ac diutius pensitant.

Diætæ inordinatæ innumeri errores febribus ansam originemque suam præbent, quò referuntur viscidi, crudi, dyspepti, nauseam inferentes, naturæ adversi, acidi ac insoliti cibi, impuriore, crudiores, fermentescentes, nimis calidi, acidi nimis, qui in potu assumuntur liquores,

quores, inæqualis temperies aeris, humida, frigida, instabilis, sæpius mutata ac subito alterata, motuum animi fortiorum alternationes; præexistentes maxime ac collecti in recessibus tum fluidarum tum solidarum partium corporis, pravi succi, cruditates, inquinamenta, hypochondriaci mali rudimenta, scorbuti stamina febribus quoque favent.

Diutius autem durante febre sanguis vigore suo exuitur, vapescit, cacochymicus fit, pallore oris id cumprimis testante, tumoreque pedum de ejus viscitudo quemvis convincente, cum aliis innumeris confectariis noxiis vitæque insidias lente struentibus; Urina in tertiana cumprimis flammea est, multo magis sæpe quam in continuis & malignis; ex Urina autem maxime decursus morbi agnoscimus, prout illa turbata sedimentoque prædita est, vel clarior manet ac pellucidior; quorum tamen in tot febrium istarum differentiis magna varietas est.

Commendantur remedia aperientia, temperantia, etiam evacuantia (quæ materiam febrilem extricare dicuntur & imminuere atque corrigere, quod tamen rectius reliquis tribuetur remediis, cum non omnibus intermittentibus conveniant purgantia, nec in omnibus necessaria sint, in pluribus febre jam curata infallibiliter reductura illam, ejusque procuratura recidivam) martialia, acida, amaricantia, tonum roborantia, quæ & hepatica audiunt ac splenetica partim, præcipitantia, absorbentia, terrea, ostracoderma; salia fixa, alcalina, nitrosa, cinnabarina, viperina; Venæsectionem non omnes laudant, nec ea directe requiritur; de emeticis dicemus idem, quod de purgantibus; Corticem verò peruvianum, celebrem chinam chinæ alii laudant, alii culpant, nihil hodie etiam inter Medicos est mediocre. Nobis ejus præstantia multis exemplorum millibus innotuit; commendamus tamen in exhibendo prudentiam, moderationem, cum supra memoratis combinationem & prudentem per omnia applicationem.

Continuarum quoque *Februm* succinctam descriptionem expositioni Intermittentium par est subjungere. Continuarum vero eadem esse initia cum intermittentibus ordinario supponitur, cum phænomena habeant communia, licet variis postea circumstantiis & ipsa cumprimis continuitate decursus ac durationis distinguantur quam maxime ac realissime; Præcedit enim & in his febribus alia symptomata, frigoris sensus, rigor, horrorque, quæ & horripila-

pilationem vocant, sed ea est plerumque mitior ac brevior in continuis, quam in intermittentibus, succedit presso pede calor, modo manifestior, ardens, exæstuans, apertus, aliquando occultior, gliscens per insidias ac blandiendo latendoque mordens nocensque, aliquando etiam satis benignus & mitis, uti gradus istarum febrium continuarum fere innumeri diversissimam habent conjunctam intemperiem seu gradum caloris præternaturalis; pulsus celer est ac frequens, quandoque & decursu morbi redditus debilis & inæqualis, urina nunc flammea, nunc minus tincta, vel turbanda facile, vel clara manens, usque ad stata tempora pepasmi &c. Prostermitur appetitus, sitis intensa est, etsi mens laboret, nec sentiat sitim, nec ad eam valeat attendere, cum tamen urantur frigentibus externis interna, qui status sæpe est pessimus; in gradu vehementiori æstus est intensus, etsi non semper externe satis se prodens tactui, urget Cephalalgia plerumque vehementissime, pro statu ac tempore morbi sicca squallet cutis, vel subinde ac suo tempore madet sudore vel leni vel fortiori, lassitudo est insignis, ac virium enormis dejectio, si levioris gradus continuas excipiamus. Sunt enim revera continuæ vel benigniores ac leviores minus periculosæ, quanquam nec illæ contemnendæ, cum subdolæ esse & occultare venenum latens soleant, quo & *Ephemera* pertinent, & leviores continuæ non adeo prostermentes ægros, cum aliæ mox malum suum morem ac genium pravam testentur, subitanea virium dejectione, violenta ultra modum invasione, naturæ insigni prostratione, ita ut æger ne per exiguum quidem temporis spatium degere extra lectum ac sine deliquio subsistere possit, imò sæpe ne assidere quidem in lecto elevato capite, dorsoque non suffulto: Vigiliæ pro gravitate febris, spirituumque majori vel minori agitatione ac dissipatione magis minusve urgent, lingua sicca est, scabra, aliis fusca, imò tumidior, rigidior, cute mucosa incrustata, fauces nonnunquam arefactæ, imò exacerbato malo fissuris, imò inflammationibus varii gradus occupatæ, præcordiorum anxietas frequenter jungitur, respiratione magis minusve læsa, prout pectus magis vel minus premitur à malignitate versus centrum ex circumferentia repulsa, ut de pleuritide, cui contiua semper & plerumque maligna febris jungitur, nihil jam addam; tussicula ipsa faucium siccitate facile provocatur, cui addunt quidam expuitionem quandam sanguinis, quam & bonam dicunt agnoscuntque, quod facile agnoverim, si a naribus descendat ille sanguis, vel ex faucium extillet vasculis fissis, ruptisque,

si verò cum tussi ascenderit ex tracheâ & bronchiis mihi suspectus noxiusque & mali profuturo ominis esse videtur; alvus plerumque tardior, sicciorque est, nonnunquam & diarrhæa, fatalis sæpe, supervenit, non desunt tamen etiam criticæ exempla, in certo epidemicarum & castrensiū febrium genere observatæ.

Pro gradu febris in progressu ejus deliria exurgunt, continua & interpolata, vigilantium, vel solum è somno evigilantium, ridicula circa omnia objecta, vel circa certa saltem, cum vel sine furore, ad phrenitidem quandoque ipsam exaltata; terrores quoque, pavores, tendinum subsultus, corporis concussiones, motus convulsivi ac epileptici possunt supervenire; exanthemata quoque varia, *petechiæ* vel magis in principio vel in statu demum morbi, tristi sæpe necroseos incipientis signo, erumpentes, exquisitæ ac genuinæ vel spurix, majores minoresve, aliis ad *purpuræ* species amandandis, quam in *albam rubramque* distinguunt, sub quibus titulis varia exanthemata comprehenduntur rubra, fusca, subnigra, pustulæ quasi, aut aliæ elevationes non pustulosæ, duriusculæ &c. plerumque cum malignitate, non tamen omnes nec semper; veræ & malignæ ac sphacelosæ quasi *petechiæ* inter funesta quoque pestis ipsius symptomata ac signa interdum recensentur, quæ tamen cum febrium castrensiū, hungaricarum *petechiis* proprie dictis non sunt confundendæ; cum hæ regulariter tantum necroseos gradum nondum indicent, sed dissipari iterum sine noxa possint, robore naturæ partim, partim remedii commodis, teste experientia; pertinent quoque huc bubones, anthraces carbunculi, parotides, in continuis pestilentialibus apparentes, vario eventu, si tamen rite ad suppurationem tendant, frequenter salutari; uti & hæmorrhagiæ, sudoresque varii sunt ominis, pro virium ratione ac morbi indole & tempore, reliquisque circumstantiis.

Cum de *Causis* sermo est, plerique & hic ad fermentum quoddam confugiunt, quidam illud accersunt ex primis viis, ventriculo scilicet ac intestinis, stabulantibusque in his cruditatibus, alii in sanguinea id genitum massa, vel in recessibus visceris alicujus supponunt, alii sub miasmatis, halitusque tenuissimi forma per contagium id hauriri censent, aliis quoque ad peregrinum confugientibus ætherem; omnesque illi fontes suo modo possunt habere locum, propinquius nonnulli, alii remotius; quis enim dubitet, posse in primis viis causæ tam pravæ ac subdolæ radices primas ac stamina poni, indeque transferri in sanguinem, & quis nescit, quam aptus sit sanguis

ad suscipiendas impressiones quascunque noxias, vi ipsius suæ heterogeneitatis ac mixturæ, tot diversis constante principiis, suo in ordine ac nexu haud difficulter turbandis, nec minns evidens est, externum illud excitans aut fermentum, quod ex alio exhalans ægrotante corpore suscipitur ab humoribus aliorum, eosque in sui motus cogendo leges parem ipsis confusionem, paresque infert turbas, in apertiores mox erupturas ac pertinaciores flammæ, ubi domestica sanguinis inquinamenta commota excitataque simul ab ipso fuerint. Peregrinum autem ætherem ejusque in turbanda sanguinis massa efficaciam haud satis capimus, cum fluidissimum istud tenuissimumque fluidum aere vicibus innumeris subtilius peregrinum esse nostris quidem in humoribus haud queat, quippe quod per omnes omnium corporum poros sine ullo fluat obstaculo, nec ullam in sua dispositione patiatur mutationem, quæ ipsum posset reddere corporibus quibusdam, uno magis tempore quam alio, peregrinum, nisi alium ætheris vocabulo tribuas connectasque sensum, pro aere habendo ætherem, vel pro atmosphæra potius ipsius, cujus insigniores mutationes, miræque varietates, habitus ac miasmata ingentem utique vim exercent in corpus humanum, nemine contradicente, de cujus etiam infectione in peste ipsa plurimum disputatur, aliis eam supponentibus omnino, aliis verò habentibus pro figmento, ac contagium non nisi ex putridis ægrotantium corporum halitibus ab aliis corporibus? aere mediante, susceptum agnoscentibus, quod tamen & aliis corpus ingredi vehiculis illique communicari potest.

Hoc quicquid est sanguinem turbans in continuis febribus, gradus habet innumeros, est enim aliquando leviusculum, quod superficialiter quasi turbet sanguinis massam, uti in ephemera febre videmus contingere, vel fortius paulo, ac subjugandum difficulter in benignioribus continuis, penetrantius adhuc magisque quasi concentratum in malignioribus, centalem quasi inferens sanguinisurbationem, imò pessimum in pestilentialibus, ad ipsam mox humorum tendens magna celeritate, ni inhibeat potenter, necrosin: Unde magis vel minus malignum dicitur, prout istam vim suam turbativam in latice vitali exerit vel mitius vel ferocius; unde tot variæ febres, ephemerae, synocha, & continuæ benigniores non malignæ, ipsæ variis gradibus non confundendis, summo in peste obvio, magna iterum graduum phœnomenorumque varietate, adeo, ut vel catarrhales febres, cum epidemicae fiunt, assumant characterem mali-

moris, ac malignæ revera existant, quæ alias satis benignè, licet molesto decursu, curriculum suum absolvunt.

Pro ista scilicet graduum varietate varia oritur in sanguinis massa turbatio, vel levior illa, ac superficialis, nullo quasi negotio, ipsa- quæ naturæ opera iterum sedanda, vel penitior, profundior, talisque, quæ vincula principiorum, vitalem hunc laticem efformantium, valde dissolvat, orgasmum sub his turbis ingentem cieat, spiritus in ataxias simul agat ac fervorem, vario falis sulphurisque prædominio, nata- que hinc ad putredinem tendentia majore ac violentiore, lymphæ me- liore dissipata, incocta, ut loquuntur, ac deficiente paulatim; unde per sanguinis talis acris, fervidi, stases, petechiæ, imò & in peste, ob visciditatem hærente in tubulis glandularum glutinoso sanguine, bubones, aut eò acrius ferociente, anthraces ac carbunculi sub sta- gnationibus istis oriuntur, vel suppuratione felici, ejecto ad peri- pheriam veneno, terminando feliciter malo, vel regressu in sangui- nem funesto, vitalia extinguendo stamina, vel in ipsa parte necrosin sphacelumque magis minusve coercendum suscitando; quo respectu omnia exanthemata vel ad salutem vel ad mortem tendere pro vario naturæ robore palam est. In omnibus autem istis morbis, eorumque graffatione epidemica *Scior* aliquod omnino agnoscendum, multaque nobis occulta sunt, multumque in aere absconditum est & noxii & salutaris pro casuum diversitate, etsi & illæ aeris dispositiones variæ, sint hætenus referendæ inter occultas illas athmosphæræ dispositiones, quas jam sollicitè cœpit inquirere industrius Boyleus.

Speçtat etiam huc divisio illa continuarum febrium in magis mi- nusve *Acutas*; *Acutissimas*, quas & *primi generis* acutas nominant, quar- ta judicari die ajunt, celeri noxa vitæ insidias struentes, ubi tamen no- tandum, ipsum quoque morbi respiciendum esse morem, nec solam de- cursus ac termini brevitatem hanc classem indicare ac morbi acuti speciem, cum etiam alias *Ephemeræ*, *Synochæ* ac benigniores febres continuæ brevi spatio terminatæ ac cessantes acutissimæ forent dicen- dæ, adeoque cum cita judicatione malignitas quoque & vis morbi unà respicienda est. *Acutæ autem secundi generis* febres septimo ajunt die judicari, per sudores, per hæmorrhagias; quarto autem ac decimo die *tertii generis* acutas terminari dicunt febres, æstimandasque esse ex diebus præcedentibus, quarto, nono ac undecimo; Uti verò recte monent, hunc etiam pestem servare morem, cum & illa plurimos ve- neni ac proin & periculi ac celeritatis in decursu sui stadii agnoscat

gradus, ita id tamen circa omnia ista, quæ de *acutis*, *acutioribus* atque *acutissimis* dicuntur febribus, eorumque statim terminationibus, iudicationibus & crisi- bus tenendum, plus sæpe his in theoria adscribi, quam observetur in praxi, ad minimum difficile fuerit in principio maligni morbi prædicere, ad quam ille pertineat classem, cum eorum plerique miras subeant ipso sub decursu atque inopinatas sæpe variationes, anomalias ac vicissitudines planè particulares ac specialissimas, pro individuorum ratione aliter se aliterque habentes; *subdolæ* enim sunt hæ febres, ac dum blandiuntur, mordent, tantum abest, ut semper exterius, quales sint lateantque, se prodant in principio, poterit tamen Medicus ad ista attendere, cum revera moliatur natura coctionem humorum, mixtionis turbatæ restitutionem, sordiumque eliminationem criticam, etsi non istis præcise diebus horisve ac spatiis quasi præscriptis; sæpe vero obtinet veriverbium antiquum: *pulsus bonus, urina bona, æger moritur*, adeò morbis istiusmodi fidendum non est.

Terminandi modus, siquidem ad salutem tendat jam declinando morbus, ardore æstuque sensim remittente, varius est, dum nunc hæc nunc illa symptomata graviora sensim sensimque remittunt, satis quandoque lente crescentibus rursus viribus, ac mora plerumque indigentibus ad sui restorationem longiore, appetitu reduce per gradus, ac pluribus indies eluctantis naturæ, sanitatisque redeuntis indicibus sese exferentibus; sin verò succumbat sub turbarum onere natura, vires sensim magis fatiscunt, ratio nunc recte se habet, nunc cedit deliriis, nunc & nova subinde emicat lucula, imò redit usu pleniore, variis tamen stricturis spasmodicis sese exerentibus, imò & subinde in convulsivos, eosque etiam universales, erumpentibus motus, accedente extremorum frigore, facie hippocratica, aliisque mortis prodromis &c.

Oriuntur verò hæ febres ex diversissimis causis mediatis, pro indole sua admodum diversa, sæpe aeris vicissitudines, injuriæque, atque incongruæ corpori mutationes, eas cudunt, frequentissime contagio propagantur vario, vel mediate magis vel immediate, ubi recurrit tacta superius quæstio, de aere infecto vel non infecto, tempore cum primis pestilentiali, imò & epidemice grassantibus malignis ac castrensibus febribus malignis, circa omnium enim istarum contagia mira prorsus ac singularia legimus passim in libris medicis: externæ quoque occasiones variæ, nimius motus corporis animique, abusus purgantium, terror conceptus ab ægrorum aspectu ac præsentia, liquorum

quorum spirituosorum ac generosiorum abusus, ac pravi cibi, frequentissime occasionem subministrant excitandæ internæ latentī in corpore causæ, cruditati, cacochymia, aliisque ataxiis; unde & aliis frequenter accedunt morbis, iisque junguntur symptomaticè, cujus angina, pleuritis, catarrhales febres, dysenteria, inflammationes variæ internæ, præbere exemplum queant, ipsæ quoque puerperæ, quæ lochiis suppressis in febres graves puerperales haud rarò incidunt.

Circa remedia magna obtinet varietas, tum sententiarum tum ipsorum medicamentorum; Quidam commendant venæsectionem, alii eam vetant; nec eadem ratio est omnium malignarum febrium, pleræque eam minus ferunt commodè, cum maximè raro in primo mox principio compelletur Medicus; Unde & in valde malignis, maxime in peste communiter, experientia jubente, dissuadetur ejus administratio; Emetica in principio commendant plures, sed nondum satis determinatum est, quid sit principium, & quousque illud se extendat, cum sub primis minimisque molestiis Medicus non vocetur, neque semper in primis viis est vitium, aut cruditates; aut mole earum gravatus ventriculus, nec eadem omnium ad movendum facilitas, quibusdam nimium inde tortis dejectisque; Bezoardica autem omnes commendant, si quosdam exceperis, qui eò rectius sapere se putant, quod videant, omne id, quod de malignitate harum febrium dicitur, censeantque, id quod malignitatis nomine veniat, à bezoardicis demum in corpore efformari eudique: Uti vero abusum nemo approbaverit calidiorum ac volatiliū, ita temperatiora laudatissima manent merito ac commendata omnibus, quæ inter eminet pulv. pannonicus ruber, bezoardici atque alexipharmacī, alii plures antepileptici quoque, caute quoque exhibita tincturæ bezoardicæ, mixtura simplex, & ipse quoque incertis casibus, refracta dosi, spiritus theriacalis camphoratus; Liquor Corn. Cerv. succinatus, cum nervos symptomata gravius occupant; Fracastorii diascordium, Cornua calcinata, alia absorbentia terrea, acidula, nitrosa maxime, confortantia, cordialia &c. merito commendantur; Vesicatoria præcipue merentur laudem, ob frequentes, quas ferunt, suppetias.

Variolæ & Morbilli, febrium quoque exanthematicarum species frequentissime obviæ, plerumque à Scriptoribus Medicis conjunguntur, etsi inter se differentiam habeant satis notabilem; Agnoscunt tamen, habere hos morbos quædam communia, inter se & cum aliis febribus continuīs, frigus scilicet in principio ac horrorem caloremque dein subsequenter, variis que incrementem gradibus, ita tamen, ut in mor-

billis leviora omnia sint atque breviora, graviora verò ac diuturniora in variolis, quæ tamen non promiscue habere poterunt locum, cum dentur revera variolæ; sub quarum decursu omnia sint multo breviora ac leviora, quam sub morbillorum certo praviorisque indolis stadio, dantur enim frequenter benignæ admodum variolæ atque ex adverso pessimi moris morbilli, modis omnibus metuendi, vitæque minantes.

Allegatur & hic in recensione causarum fermentum, idque specificum & sui generis, vel illatum aliunde in corpus, vel in eo collectum genitumque, quod quidem sit in variolis crassius ac serosius, tenuius verò volatiliusque in morbillis; quanquam sane ad morbum utrumque æquabiliter tota massa sanguinea concurrat, patiaturque suas turbas; nec præcise erit illud turbans fermentum sulphureo-salinum, potest enim impurus ac heterogeneus ichor ac cruditas varii generis colligi in sanguine, etsi sui juris plenè non sint salinæ ac sulphureæ partes ejus; Dicitur alias ex sanguinis materni ac menstrui reliquiis istos pullulare morbos, sed sine magna veri specie aut opinionis fundamento, cum omnes habeant in se materni sanguinis reliquias, non vero omnes variolis morbillisque corripiantur; Alii ex esu carniæ, collectisque hinc impuris ac fermentativis molleculis, sui separationem, serius ocysve urgentibus deducunt illam, in liberos propagatam dispositionem, sed probabilitate non majori, cum & iis infantibus eadem fere certitudine atque inevitabilitate obtingant variolæ, quarum matres carnibus nonnisi rarissime paucissimeque usæ sunt: Et quid quæso facilius est, quam colligi in ipso hominis corpusculo impuritates istiusmodi atque heterogeneitates, quæ data occasione turbare sanguinem, indeque critico quasi naturæ nisu ad peripheriam corporis propelli possint, variantibus circumstantiis pro succi pravitate majori vel minori & cacochymix gravitate, elevatis in pustulas, succi degeneris ad cutem determinatis copiis in statu varioloso, in maculas saltim ad cuticulam terminandas in morbillis, enata sub turbis illis expultricibus continua febris; Eaque omnia eò facilius evenient, si causam in corpore latentem moveat excitetque contagium externum, aliunde illabens sanguinique illatum, eumque turbans, conferente & quandoque partes suas aeris dispositione ac mutatione varia ac celeri, cohibita transpiratione, imò & terrore, ipsa ætatis ratione, labe epidemica &c.

Phœnomena, quæ in morbi exordio & sub primis in sanguine turbis occurrunt eadem se ratione non habent in omnibus, quidam enim ventris primum dolore, alii cephalalgia, dorsique & artuum doloribus alii, quidam & sicca tussi primum laborant, aliis vomitus scenam morbi aperit, prurientibus naribus, rubentibus oculis, urgente siti, vigiliis quoque diu protractis, difficultate respirandi, anxietate insigni, ac pressione quadam circa præcordia, etiam cardialgicis doloribus obortis, accedunt subinde, quæ aliis tardius oboriuntur, deliria, sæpe etiam ante eruptionem frequentissimi terrores, & concussiones corpusculi, stridores dentium violenti, varii convulsivi motus, ipsique etiam universalis ac vera epilepsia supervenit, minus tum metuenda sub primis illis naturæ expellentis conatibus, quam in decursu morbi vel versus illius finem, ubi nunquam non esse debent suspectissima; Alvus adstricta est plerumque, etiam toto sæpe morbi decursu, nec facile eam irritare convenit, metu diarrhœæ, sæpe funestæ, quanquam & hæc regula habeat suas exceptiones.

Terminum eruptionis exanthematum eundem quidem plerique Scriptores Medici assignant, sed & in eo insignis obtinet varietas & latitudo, cum secunda, mox aliquando die, alias tertia, quandoque ne quarta quidem, quam potissimum assignant, vel quinta, prodeant eadem ratione, paucis quandoque septimo ostendentibus in pectore, vel alibi, ac facie quoque, lento cæteris gradu subsequentiibus ac prodeuntibus, aliquando autem agmine quasi facto, subito ac satis celeriter ac conjunctim prodeunt per omnem corporis ambitum exanthemata; Neque semper, quod annotatum leges, remittit prius ebullitio febrilis, antequam eruptio contingat, sub ipsius conatibus successivis satis exardescens plerumque, nec dici absolute potest morbillos citius & quasi inadvertenter prodire, utut enim sæpe morbilli prompte prodeant, tingantque subito corporis superficiem, fatendum tamen, idem quoque variolas haud infrequenter præstare; promptèque ac subito comparere, morbillosque ipsos quoque adeò non semper subito ac inadvertenter prodire, ut potius observaverimus non quarto tantum, sed vel sexto septimoque die adhuc tardantes, ac postea dein post diuturnam symptomatum præviorum torturam prodiisse; nulla igitur in his dari potest certior regula, cum individuali

dividuali quasi ægrotantium diversitate soleant in aliis citius in aliis tardius evenire. Modus quo morbilli efflorescunt in cute, est, quod compareant nunc plures in principio nunc pauciores maculæ rubentes, majores, minoresve, latiusculæ, nunc plana omninò ac æquabili manente cute, nunc verò tantillum quasi prominere visis maculis ac tumescentibus, magis tamen minusve, imò in quibusdam casibus earum nonnullis in minimas quasdam etiam pustulas transeuntibus, uti ex talibus in oculi pupilla obortis, apertisque dein cœcitatem observavimus in infante tene-riore; prodeunt illæ vel rarius sparsæ vel confertim, vel ita quoque, ut totam obtegere cutem videantur quasi, corpore simul sub tumido quodammodo existente in superficie sua; duratio non est eadem, dicuntur disparere intra unum alterumve diem, sed & hic obtinet latitudo insignis, cum ad plures non in frequenter subsistant, maneantque imò & diutius vestigia sua cuti relinquant impressa.

Variolæ mox, dum erumpunt, tactui peritiori sese manifestant majori quadam inæqualitate & duritie digito tangenti occurrente, quæ parvula tubercula ac pustulosa capiunt incrementum nunc citius nunc tardius, nunc majores factæ, nunc minores, sensimque contentus liquor suppurationem peculiarem subit, nunc fluidior, nunc spissior, nunc fere gelatinosa existens consistentia, prodeunt vero, increscunt, ut jam monitum, non iisdem ac statis temporibus, nec omnes semper æquabiliter, aliæ enim fere adolescunt, dum aliæ vix incipiunt erumpere, aliæ cum promptitudine & quasi alacritate prodeunt, crescunt ac suppurantur, aliis vix extorquendis. tarde prorumpentibus ac crescentibus: nec eadem declinationis ac decrementorum ratio est, dicuntur hæc fieri die fere undecima, postquam declinent, siccantur, intraque decimum quartum, quintum vel sextum decident diem, sed nec ista sunt perpetua, multis longe diutius protractis, nec eandem pustulis exsiccandi rationem observantibus, quædam enim suum effundunt laticem, mox siccandæ in crustulas, aliæ in has abeunt sine ruptura vel egestionem puris, hoc cum pustula siccescente, ac facile decidente illa, vidimus & quæ in duriores quasi verruciformes abeunt crustulas diu satis hæserunt cute; sæpe cutem admodum foedant cicatriculis suis, maculæ ve-
rò

rd diutissime conspiciuntur in cute, aere cumprimis liberiore ac frigidiorē eas tangente: Cum retrocedunt exanthemata gravissima sese offerunt exseruntque symptomata, retrocedunt & morbilli non sine periculo, majus tamen illud est in variolis retrocedentibus, sive jam illa retrocessio fiat à causa externa, auræ frigida &c. vel interna, sive in principio eruptionis, sive incrementi tempore, sive & in *anxi*, semper cum discrimine tetrisque conjuncta est symptomatibus, respiratione admodum difficili, anhelosa, anxietate, pallore, livore, terroribus, soporosis affectibus, spasmis variis, imò motibus convulsivis, diarrhæis quoque ac frigore extremorum, interna jam inflammatione aucta & in grangrænam transeunte, subinde tamen cohiberi plenior regressus, sistique potest tristis illa symptomatum sese consequentium catterva.

Sunt verò quæ pustularum numerum diversissimæ variolæ, quæ numerari subinde in quibusdam possint, in aliis largius sparsæ, in aliis autem omnem quasi corporis superficiem tegentes, ac vel servantes suos limites distinctos, debita elevatione, rubente circulo cincta quavis pustula, vel confluunt magis, cohærent, collapsæ apparent ac depressæ cum foveolis quasi, quæ equidem signa hæud solent laudari.

Sunt quos variolæ bis, imò ter etiam invadant distinctis ætatis intervallis, plerique eas pati coguntur, sunt tamen, qui per omnem vitam manent liberi; pueris tamen facilius ex morbo isto eluctantibus quam adultis, quorum variolæ plus habent plerumque malignitatis, etsi & benignæ inter adultos æque ac pueros sæpe reperiantur: Idem de *Morbillis* dicendum, plurimos bis etiam, terrore adorientibus, etiam adultos, imò senes, cum epidemicum certis temporibus ac universale sit malum, minore tamen cum periculo: Inter variolas aliquando pustulæ etiam varii generis purpuracæ imò & maculæ apparent, forsitan non semper appellandæ petechiæ, sæpe tamen illæ sunt veræ & satis malignæ petechiæ, non raro funestæ, nunc rubentes, nunc pejori omine fuscæ, cœrutescentes, lividiusculæ imò nigræ, indicio necroseos jam valde propinquæ, imò in aliis casibus jam perfectæ; ipsæ etiam quædoque pustulæ atrum, non bono somine, ostentant colorem, uti pallidæ sebaceæ pariter minantur graviora,

quandoque tamen interferuntur coerulecentes ac ad nigredinem inclinantes, sine prava adeo consequentia, cum gravibus tamen plerumque symptomatibus, medicique summam desiderantibus attentionem: Malum utrumque est magis minusve Epidemicum ac universale diversis temporibus; autumno non solum vel præcipue, sed & vere & hyeme, imò per omnia anni tempora grassari solitum. Neque vero attinet multa dicere de variolis, quas vocant, *aquosas*, citius transeuntes; istæ quidem sæpe ante eruptionem gravia etiam symptomata produciunt, neque in ipso suo decursu sunt negligendæ, cum & subinde in nonnullis subjectis malignitatis nonnihil habeant, iisdem remediis cedentes.

Remedia, ac medendi methodus non parum variat juxta principia diversa Medicorum; præprimis ratione regiminis contradictoria legas, aliis frigidum suadentibus regimen, aliis calidum, medium verò tenuere beati, ac prudentiores, non juvat suffocare tales ægotantes hypocausti fervore intolerabili, ac mole stragulorum ac plumarum eos montibus obruere, sed nec licet admittere aerem liberiores, illive exhibere tales ægros; uti imprudenter quidam suadent, omnemque lecti ac cubiculi calorem, etiam æquabilem & temperatum non negligunt solum, sed & prohibent; Venæsectio in pueris nostratibus non est inter remedia recepta, nec forsan necessaria; in adultis variolæ inter nos haud adeo sunt frequentes & plerumque in principio, ubi adhuc tutius vena secaretur, de variolis imminentibus nulla certitudo est: Conducunt autem in principio bezoardica, sed & contra hæc clamant nonnulli, dissuadentque eorum usum, sed dubio procul mitius sentient de iis, qui moderata, non nimis calida, alexipharmaca adhibent, quæ omnino naturæ succurrunt in expulsiōe exanthematum, quod innumeris experimentis tam est evidens, ut hoc negare, sit contra solem loqui; pertinet huc pulv. pannon. ruber, aliique bezoardici, lap. bezoar uterque imò & ille de Goa factitius, ipsumque infusum Pedræ del porco, ubi iste suppetit lapis, adeo laudatus *Helvetio*, aliisque.

Salia volatilia rebus recte succedentibus vix necessaria sunt, nisi convulsivæ compareant dispositiones ac nifus, sub quibus liquor Corn. Cerv. succin. egregius est; myrrhata, camphorata, theriaca,

theriaca, diascordium, vel parcius danda eruptionis tempore, vel & omittenda; præstant plerumque illi pulveres dicti, cum Corn. Cerv. phil. Calc. Corn. Alc. phil. calc. absorbentia, terrea, præcipitantia alia, ac confortantia, quæ sola post eruptionem ferè sufficiunt, cum diluentibus, temperantibus blandis, gelatinosis, quo & emulsiones ex seminibus frigidis faciunt, omniaque fervorem febrilem temperantia; unde & prudens, quod miteris, corticum cascarillæ imò & peruviani applicatio sæpæ præstat in gravioribus etiam casibus egregia, sed non dandi promiscue; Cæterum ipsa etiam symptomatum accedentium vehementiorum variatio requirit remediorum varias sæpe mutationes, additionesque, maxime si minetur diarrhœa sæpe in morbi statu funesta, sive cruenta sit, sive non, unde adeo clysteres alii metuunt, cum facile inde concitetur alvi fluxus, ac malint diuturnam alvi constipationem ferre, quæ salutariter sæpe ægris solvitur sine hoc admiculo, & sine noxa tantæ moræ scybalorum; Alii interim seriò commendant enemata tanquam maxime proficua & à partibus nobilioribus avocantia causam, quos noluimus sequi; ex quo quidem facile patet, quid judicemus de adhibendis purgantibus, quæ sanè tuta non sunt, neque etiam sub declinationem nimis cito danda; Vesicatoria sæpe magnum afferunt commodum, si spasmorum metus urgeat, imò jam ipsi ingruant.

Febrès lentæ ac tabificæ frequentes etiam sunt, & inter peiores numerandæ febres, diximus jam de illis occasione Phthiseos inter affectus pectoris, nam ad illos quoque pertinent hæcticæ febres, quæ vel ulcus pulmonum, vel alterius etiam visceris supponunt, atque ab illo oriuntur; sæpius obortæ ab aliis febribus, diuturnis vel gravioribus quoque, quanquam & lentæ tabificæ, quæ sine ulcere sunt, ab iis potissimum evenire possint, vel etiam à scorbutto, à mensium obstructionibus, quo etiam natæ in mesenterio obstructiones, lacteis vasculis chylo transitum non concedentibus pertinent, quamvis forsan illa febris lentæ causa inter minus frequenter obvias censenda sit; uti verò mirum non est, ulcere in pulmone vel alio viscere præsentè, febriles in sanguine turbas inde simul necessario oriri, ita aliæ lentæ febres, ab ulceris labe immunes, alium ortum agnoscunt, uti jam diximus, supponunt scilicet statum sanguinis cacochymicum, blandis, nutritiis, gelatino-

sis moleculis destitutum, acribus verò ac impuris viscidisque refertum, neque enim credimus cum quibusdam, volatilem esse illam acrimoniam, etsi crescente sub febrili massæ sanguineæ turbatione, calore ac æstu, salia quoque acria ac sulphureæ partes exaltari possint, sanguinis vero orgasmus sub febrili illo æstu ortus, non statim supponit volatilis acrimonie præsentiam, cum potissimum viscidior sanguinis dispositio cum febrili ac præternaturali consistere omnino possit ac soleat; Fervor verò ille calorque sanguinis intensior, illaque acrimonia tandem prædominans, efficiunt, ut non solum nutritio corporis fieri porro nulla possit, cum deficiat nutrimenti materia, blandior ac gelatinosa lympa, sed etiam, id, quod huc γλυκερον ac gelatinosum in partium tubulis passim hæret, eluitur, imò abraditur quasi à fervido sanguine, colliquatis omnibus emunctisque melioribus succis, quorum in locum nihil boni reponitur, sed potius depascens acre serum, viscidaque phlegmata, aptiora ad cudendos tumores pedum aliarumque partium inflationes cacochymicas, quam ad appositionem pro nutritione corporis, ad quam requirerentur moleculæ excocti probè chyli. natæque inde mucilaginosæ ac limpidæ lymphæ, non verò tenaces acresque & lixiviali fere sale tincti humores, exsiccantes potius corpus quam reficientes.

Evenire quoque haud infrequenter in corpore humano solent *Ariduræ* seu *Tabes particulares*, istæ vero licet, in sanguinis quoque vitiata massa remotiores suas habere queant occasionales causas, potissimum tamen à specialibus partium certarum vitiis, cum scilicet vigor partis decrescit, & imminuitur, vel obstructo, qui ad partem tendit, quodammodo nervo, vel fibræ nerveis ac muscularibus in parte tono suo debito haud gaudentibus, aut variis partis istius ejusque ductuum ac canalium meatibus obstructis; nec dicas hac ariduram non inferre, nec partis decrementa producere, aut nutritiarum partium appositionem impedire, omninò enim atonia fibrarum plurimum ad nutritionis opus impediendum confert; quippe sine quarum vigore exacta sanguinis per partem circulatio ac percolatio fieri non potest, sub qua nutritiæ partes apponuntur, variæque ex ista atonia oriuntur meatuum obstructions, quæ moleculis nutritiis aditum non concedunt in fibrillarum interstitia, ubi adhærere, sicque augere partem deberent, ordinario rerum istarum cursu.

Ubi

Ubi vero universale est malum, totumque depascit corpus, ea fere phœnomenorum se offert series, occultus serpit toto corpore calor, non semper apertis erumpens flammis, sed subdolos, à cibo tamen sumto apertior, vagisque, etiam genas pingens, phlogosis, ac subito perfundens, in manuum volis præcipue clarius percipiendus, adest perpetua pulsus frequentia, appetitus in nonnullis superstes est, in aliis dejectus; imminuuntur jam notabiliter carnes, dijiuntur vires, calor intenditur, accedunt & horripilationes vespertinæ, calorisque erumpentis in paroxysmos quasi quosdam vicissitudines notabiliores, nocturni etiam sudores post mediam noctem accedunt; decrecente magis magisque corporis habitu ac in sceletiformem tandem eo deveniente sensum sensimque statum, cute vix ossibus hærente, ac superextensa, pedibus quandoque etiam intumescantibus; imò &, imminente vitæ termino, diarrhœa haud raro accedente; dolorem cætera regulariter haud patiuntur tales ægri, tussis quosdam vexat, etiam sine ulcere præsentē, aliquando & sub decursu demum morbi talis potest oriri tussis, & occasionem præbere internæ inflammationi, ac putredini, seu ulceri &c.

Uti vero supra dictum jam fuit, oriuntur tales febres lentæ ac tabificæ à variis aliis affectibus præternaturalibus, febribus diuturnis & gravibus, dysenteria, diarrhœa violenta ac diuturna, chlorosi, cachexia vel etiam saltim caco-chymia, gonorrhœa inveterata, nimia venere, excessibus in vino, vini spiritu, à paralyti, violentiis externis, vulneribus, fracturis, luxationibus in aridura particulari, universalis vero etiam ab externis ulceribus &c.

Inter remedia referuntur, quæcunque meliorem sanguini restituant dispositionem, acrimoniam ejus corrigunt, demulcent, diluunt, temperant, partes gelatinosas nutrientes restaurant, viscidas incidunt, attenuant, educunt; analeptica, gelatinosa absorbentia, emulsiones, lactis variæ curæ necessaria cautelâ adhibitæ, vulneraria decocta & infusa mitiora, juscula quoque alterata recentibus herbis: Sunt &, qui commendant balnea, sed calida illa si fuerint, calorem corpori inferent majorem, si frigida nocebunt, si tepida nihil facile profuerint, neque enim externa humiditas siccitati internæ atque acrimonie notabiliter medebitur; Ab unguentis quoque alii plurimum opis expectant, verum, quid ista cuti illita pingua

guia præsidia afferent & contra internum pinguedinis & nutritii γλυχες defectum proficient? fit sæpe aliquid, ut acquiescat æger in varietate & multitudine medicamentorum.

Arthritis in plerisque etiam speciebus suis habet adjunctum febrile aliquid, sive universalis illa sit, omnesque articulos vel simul vel successive magis occupet, sive particularius hunc illumve articulum afficiat, varia ratione ac gradu differente, sive ipsum affectûs genium, sive modum afficiendi locumque spectes, quem occupat; ille quidem in genere est articulus, sive conjunctio illa mobilium præcipue membrorum inter se firmata nexu ligamentorum, tendinumque ac membranarum summè nervearum ac sensilium, unde exquisiti adeò in his partibus dolores, ac tam gravia, quæ istos comitantur, symptomata.

In omnibus scilicet, dolorifici admodum morbi, speciebus, ad statum sanguinis respiciendum est, hic enim est fons blandæ illius, quæ naturali in statu humectat articulos, lymphæ, quæque in statu præternaturali adeò acriter illos percellere atque irritare valet; etsi sanguinis aggestiones, stasesque circa articulationes præcipuam causæ partem sibi vindicent in progressu.

Sanguis igitur alias blandus, gelatinosus, tenuis, ac probè fluxilis, perque omnes vasculorum angustias prompte mobilis ac transiens, acrior in his morbis, spissiusculus, talisque evadit, qui stagnatione sua ac mora acerbè affligat, tendatque fibrillas; quod alii ad lympham respicientes ita efferunt, ut eam prius blandam, tenuem, dulcem, nunc verò in statu arthritico tartareo tinctam fermento dicant, seu acido sale, magis aliquando fixo, aliàs etiam nimis volatili, quæ quidem sua spicula robore naturæ ad articulos detrusa ibi exerat, imprimatque, cum tanto dolore nerveis fibrillis; & agnoscimus omnino in tali sanguine ac lymphæ frequentem acrimoni-
am, etsi eam non præcise acidam, sed sui generis ac fixiorem, etsi enim sanguis noster & in naturali & in præternaturali statu gerat in sinu suo salia quoque volatilia, illa tamen evoluta, sui que juris non sunt, sed ligata & ab aliis detenta fixioribus, unde, qui in his morbis conspicitur æstus calorque & ardor, à sale volatili præcise non erit, ab ipsa sanguinis aggestione ejusque sub hac aucto motu partium intestino potius derivandus; neque id tamen impedit, quo minus dicemus, istas harum heterogeneousitatum ex sanguine ad articulos eje-
ctiones

ctiones critici quid, & naturæ amolientis sibi molestum nifus esse laudabiles, aut ad minimum eò à corporis mechanismo directas: Talis enim sanguis, tali lymphæ constans, ab heterogeneis partibus sub variis suis percolationibus adeò non liberatur, ut potius novas pluresque indies ex primis recipiat viis, ab erroribus diætæ frequentibus, ad has adeò sensibiles ob membranas, ipsum maxime peristitium tendinesque, partes, aggeritur copiosius, unde oritur sæviens illa spina infixæ nonnullis dicta, adeò latè suas diffundens irritationes. Facta enim stasi, sanguis fibrillarum distendit interstitia, vellicat eas, & quasi lacerat sub dolorifica extensione, unde dolentes, spasmodicæque stricturæ, spiritibus nervisque laceffit, oriuntur, accedentibus cum primis spiculis acris salino terrestri materia impuræ sanguinis sero admixtæ, donec sub nifibus istis dolorificis moram trahentes liquores per transpirationem partim dissipentur, partim sub circulationis redeunt legem ex angustis istis, quas adeò pungunt lancinantque, eluctentur; ita tamen, ut variet & morbus & dolor, & duratio, pro causæ varietate, prout causa fluidior non adeò infixæ, turgescens, sedata orgasmo, plenius discutitur, revehiturque, vel tartareis moleculis ac fixioribus, fibris quasi & earum interstitiis infixis, inclusis, intrusisque hæserit firmiter ac pertinacius in parte, in ipsos aliquando nodos excrescens, calce turgidos.

Quæ universalior est morbi hujus species *Vagæ arthritidis* nomine venit (quam & alii vocant Arthritidem scorbuticam, etsi scorbutica semper non sit) hæc enim uni ac definito loco non affigitur, etsi non simul in omnibus se exserat, sed sit quasi ambulatorius dolor, ex uno articulo citius tardiusve translatus ad alium, plerumque cum febre eaque satis interdum intensa, incipiens cum horrore & frigore febrili, doloribusque totius corporis, maxime tamen articulorum, nataque inde impotentia ad motum, sæviens, ut v. g. una primo manus, dein altera, cubiti dehinc flexuræ, genu, alterius pedis imam partem, & sic porro pervagetur malum, mora non eadem in una parte facta, quandoque hanc deserens antequam alteram invadat, aliàs simul uno in loco adhuc satis sensibilis, alibi jam novas accendens dolorum ardorisque faces, cum intumescencia articulorum haud levi ac rubore sæpe insigni; nulli vel ætati, vel sexui parcit, aliquando una alterave septimana terminanda, aliquando autem ad plures, imò alterum, tertiumque mensem va-

riis se extendens periodis; vel integre rursus dissipanda, vel relinquens varios contracturæ vel etiam paralyseos post se gradus. Cum fructu illi sæpe obviam ibimus eadem, qua febribus solemus, methodo, jungendo nervina, ac cephalica, roborantia, &c. etiam sine venæsectione, cedente feliciter malo: Inter illos verò dolores arthriticos, qui unam occupant partem definitam, pertinacissimus ac præ aliis violentus est *Dolor Ischiadicus* seorsim affligens, occupat femoris cum ossibus innominatis articulationem ejusque viciniam, unde dubium sæpe relinquit Medicum, an nephritidi magis hic tribuendum sit an arthritidi, etsi sensim clarius se suis prodat indiciis; evadit enim sæpe intensissimus, satis articuli denotat locum, profundus quippe ac penetrans dolor, figens ægrum in lecto in statum immobilem, ut sæpe ne hilum quidem latum audeat se è situ suo, quem tenet, dimovere, adeò in hac morbi *αχυν* non obtinet, quod notant Scriptores, in hoc malo sedentes minus commodè posse surgere, euntesque & decumbentes male habere, hæc enim vera sunt de prodromis mali, ac de reliquiis ejus, diu satis nonnunquam perdurantibus pertinacissimè, ipsa verò morbi vi summa præsentè, adeò non possunt incedere, ut immoti & quasi affixi jaceant immutabili situ; Neque vero adsunt reliquæ nephritidis signa, quæ simul observantur, si dolor saltim inde ad Ischia extendatur. Duratio vero non eadem est pro causæ ratione ac subjecti, imò & gradus aggrationis, & quasi incuneationis, si termino hoc liceat uti, rebelle enim sæpius ac pertinax malum est, ad minimum diuturnis molestum reliquiis.

Podagra, Chiragra, Gonagra &c. nomine arthritidis generali comprehenduntur, tanquam variæ species, certæ sedi infixæ, ita tamen, ut hanc retineant in quibusdam, in aliis plerisque incertis motibus atque intervallis ab uno articulo ad alterum progrediantur, ac totum sæpe, tristi circulo, perambulent corpus, vel ad minimum artus, vel exceptis quibusdam partibus & articulis, vel omnibus successive tactis; Neque hæ species febrilibus in sanguine turbis destituuntur, levi sub initio intumescencia; & erysipelaceo rubore se prodens, vel in uno quandoque pedis digito subsistens, aliàs talum, aliumve articulum occupans solum; donec jam pleniori possessione invadens occupansque tale corpus, ne in una quidem parte figit pedem, nec pedibus nec manibus parcens, ipsam etiam
in

in quibusdam invadens cervicem; Duratio est diversissima, gradus quoque doloris mirè variant, periodi sunt incertæ, quosdam plures intra annos, semel alios semel uno anno, bis alios, imo pluribus ad-
oritur vicibus; verno maximè & autumnali tempore advertenti-
bus practicis, etsi nulla anni pars excipiatur; Quosdam invadit ju-
niores, quosdam consistente ætate, quosdam senio propiores, pau-
cos in ipso demum senio provectiore; affligit aliquando per plu-
res septimanas, quosdam paucis etiam diebus absolvit, relicto in
aliis tumore diu superstite, in aliis facile discusso; *ακμῇ* doloris in
quibusdam brevis paucarum horarum, in aliis dierum etiam plu-
rium est, varii & hic se exserunt effectus paretici, nodosi, contra-
cturæ ac incurvationes, debilitatesque membrorum; sive particu-
laria hæc sint, sive universalia, respectu totius corporis, toti indu-
cta immobilitate. In nodis vero tophaceæ & quasi cretaceæ con-
cretiones, sæpe inde ruptis integumentis eximendæ ac colligen-
dæ, sunt notabiles, licet non tam frequentes, respectu multitudinis
eorum, qui patiuntur arthritidem; Cæterum symptomata gravis-
sima, ferè innumera, stipant *ακμῇ* horum membrorum sævien-
tium, hic vigiliæ usque ad excessum intolerabilem, sitis indelebi-
lis, inquietudo summa, & anxietates insuperabiles nonnunquam
visæ, terrores, pavores, hypochondriaco-Melancholici insultus,
macies, aridura partium; Inflammatio varios habet gradus, raro
autem abit morbus in abscessum, nisi præpostere tractetur, & sub
nodis illis tophaceis exacerbatis; tumor sensim evanescit inæqua-
libus intervallis, citius nunc, nunc tardius.

Inter causas mediatas remotiores innumera referuntur, præci-
puè hæreditaria dispositio vim habet insignem, excessus in vinis
calidioribus aliisque liquoribus spirituosus, pedum refrigerationes
enormes, unde tonus fibrarum pessundatur, nephritis, scorbutus,
affectus hypochondriacus multum ad mala illa cūdenda contri-
buunt & affinitatem cum arthritide habent insignem.

Ordinario monent Authores rarò corripì eos his malis, qui
tenuiore utantur victu, ac laboribus assiduis defunguntur, corpus-
que exercent jugiter, & qui liberiori transpiratione, frequentiori
sudore, largaque urinæ excretionem gaudeant; sed nec ista perpe-
tua sunt, in iis maxime, quæ grave hoc incubat ex hæreditatis
parentumque vitio malum. Quamdiu autem consueti podagræ
paro-

paroxyfmi erumpunt in ægris, testantur de residuo naturæ robore ac vigore, cum excitari amplius haud queant, minantur conatus isti frustranei graviora; Unde etiam pessimæ sunt metastases podagræ ad corporis interiora, tristes cum podagra reciprocantes colicæ, spasmodica asthmata à retrocedente, retropulsa, retrograda vel expelli non valente, podagra, enata, unde & epileptici imò apoplectici insultus ultimato metuendi sunt, præter innumeras anomalias etiam proteiformes podagræ internæ, retrocedentis, vel ob naturæ debilitatem, aut aberrationem confusam, noxiamque non expulsum ad articulos, causa jam nobilioribus impacta partibus, vel saltim internis ac sensibilibus, magisque vitæ minantibus, quod innumeris constat exemplis.

Remedia nemo numeraverit, omnia nervina, cephalica, confortantia, roborantia, tonum firmantia meritò se commendant aperientia, resolventia, temperantia, diluentia, diaphoretica, diuretica mitia, antiscorbutica, antihypochondriaca, nitrosa, cinnabarina, antifebrilia conferunt variis dosibus gradibusque cum gelatinosis demulcentibus etiam pectoralibus, paregoricis, vulnerariis variè combinata; Anodyna, opiata cautè nec promiscue nonnisi minima dosi danda; Salivatio mercurialis à multis commendatur, abstinendum forsitan rectius ab ea, si venereæ nihil subsit labis: Venæsectio nec admitti generaliter, nec rejici potest. Calidior frigidiorve causa remediorum diversitatem postulant. Externa cautè adhibenda, pingua nocent, humida non conferunt, spirituosæ facilius ferunt, plerumque præstat externè nihil adhibere, vel ad summum sacculos siccos ex floribus & herbis.

T A N T U M.

